

左恪靖侯奏稿初編

恪靖奏稿初編卷二十二目錄

分路進剿粵勝現籌辦理情形摺

附陳老湘營會攻賊壘情形片

請將事劣之鎮將知縣分別摘頂革職片

水師搜獲濟逆西洋人船軍火請獎各員弁片

請將庸劣之鹽道革職清完交成賠項片

進逼漳州大捷現籌辦理情形摺

奏報攻克漳州府城方靖縣城情形摺

附陳攻拔普竹賊壘情形片

閩省腹地未清未能先顧鄰省片

分路進剿疊勝現籌辦理情形摺

奏爲官軍分路進剿疊獲大勝現籌辦理情形恭摺馳
奏仰祈

聖鑒事竊劉典等軍由龍巖進剿奎洋獲勝後汪逆海
洋仍率死黨屯踞龍巖南靖永定交界之金豐苦竹梅
林山城場校上下奎洋一帶三月二十日康國器馳抵
龍巖撫溪偵知苦竹之賊分踞茅畚添築數壘二十一
日親督知府康熊飛副將吳光亮叅將詹惠林本遊擊
羅洪彪熊應烈所部分路進剿飭都司關鎮邦堅守龍

潭防梅林之賊抄龍康熊飛林本羅洪彪熊應烈等甫至東安遇賊數百擁至摩隊急擊斃悍賊四十餘名生擒三十二名茅畚踞逆傾巢來援康熊飛等更番壘戰賊仍抵死不退吳光亮詹惠率隊從小路抄出攻破山腰賊壘賊始駭卻康熊飛等乘勢急進轟斃悍賊數十名賊悉棄壘狂竄立將茅畚賊壘二座踏毀適官軍進逼漳州侍逆屢爲官軍所敗呼援甚急遂將上下奎洋各處山徑悉行掘塞以阻官軍僅留由南靖赴漳郡一路以通往來二十四日劉典率副將張福齊等繞赴永

溪察看路徑詢據逃出賊供知汪逆十七日赴漳郡二十三日仍回場校遂函商道員張恒祥一軍由和溪康國器一軍由撫溪於廿七日分路進剿飭張福齊率叅將彭俊光宗定元軍功蕭雅泗等四營與張恒祥所部從左路進攻下奎洋賊壘該逆傾巢出拒張恒祥張福齊親督各營奮威衝殺攻破賊卡兩處見嶺巔尙有二壘守賊約四五百人張恒祥所部叅將李大有督隊仰攻亡傷勇丁數十名總兵何映文文禹商與張福齊等督隊各勇直薄壘下前者被傷後者繼進該逆悉力拒

守石手山岡之賊復搖旗雷鼓應之道員李耀南同知楊鼎勛分飭所部副將余佑民遊擊楊懷瑾都司劉春藻等蛇行而進該逆憑高擊下砲石如雨官軍冒險奪踞山巔張恒祥及叅將彭俊光亦率隊猱騰而上徑拊其背賊勢不支殺斃及墜崖死者無算宋定元等乘勢攻入逆賊紛紛棄壘狂竄張福齊張恒祥分率所部追殺立將下奎洋賊壘五座賊館五十餘處賊卡十餘處一律踏毀殺賊二千餘名拔出難民數千當官軍之進攻下奎洋也中奎洋踞逆率眾來援劉典飭叅將陳集

賢擬保副將王前程擬保副將銜叅將程應陞督隊扼
剿知縣陳鴻藻所部繼之李耀南楊鼎勛由下奎洋轉
戰而來與已革叅將劉大謨等三路進擊將中奎洋踞
逆擊敗賊館掃蕩乘勝追殺斃賊數百名餘賊縮入對
岸壘中官軍逼攻正急汪逆率悍黨由梅林場校突出
勢極兇悍劉典親督各勇猛戰十餘合將賊擊退而上
奎洋來援之賊亦經總兵楊芳桂所部擊敗始各收隊
計其斃賊二千餘名陣斬僞天將翟玉山陳光明及曾
姓等賊目數十名生擒老賊七十餘名奪旗幟軍械無

數其康國器一軍進剿苦竹行抵礮下卽與賊遇該逆不意官軍驟至縮入卡中吳光亮林本能應烈等并力圍攻火箭火彈拋入賊壘霎時草棚著火延燒賊衆大駭官軍乘勢立將礮下賊壘焚毀三路躡追適苦竹之賊率大股來迎吳光亮等奮勇衝殺斬賊數百名生擒四十餘名賊敗走官軍追至苦竹羣賊悉退入山頂壘中吳光亮等見山腰矗立砲台一座後有小壘護之卽飭各勇開砲轟擊守賊驚潰官軍乘勢搶入急攻山後小壘又破之餘賊殲斃殆盡山頂各逆亦竄伏不出其

康熊飛等行至大坪遙見場校梅林援賊翻山竄至卽
飭詹惠羅洪彪兩營分路埋伏自率輕騎前往挑之逆
賊愈戰愈多官軍佯退誘入伏中兩路突起奮擊斃賊
三百餘名生擒二十餘名賊衆大潰正躡蹤追剿而後
股援賊又蜂擁而至康熊飛當率所部陷陣往來盪決
立斬騎馬賊目二十餘名斃賊四百餘名生擒三十餘
名收隊而還共計斃賊千餘名生擒百餘名奪騾馬五
十餘匹此劉典張恒祥康國器等軍由龍巖進剿苦竹
奎洋破壘獲勝之實在情形也其署衢州鎮總兵劉清

亮馳抵漳州北溪卽飭所部副將李運榮叅將陳武職
兩營過河築壘三月十三十六等日賊撲東路官軍營
壘並出隊至河邊意圖牽制經劉清亮督飭各營擊退
十八日王德榜分中營兩哨過河築壘該逆一股衝至
河邊擊傷搭造浮橋勇丁三十餘名王德榜令知縣鍾
世祉帶劈山礮排列下面淺灘轟擊並飭洋鎗隊過河
接戰轟斃紅衣騎馬賊目二名悍賊二百餘名賊始退
卻一股逕撲李運榮陳武職營壘劉清亮督各營分路
迎擊血戰五時賊殊死鬪適中路官軍將督戰騎馬賊

日一名擄斃賊少邵李運榮等督隊急進步賊數十人
逼陷泥潭中盡殲之羣賊紛紛潰竄陳武職李世祥孫
永忠等左右抄擊合軍追至后房破賊卡一處斃賊數
百名廿四日王德榜復飭總兵李運勝過河分紮兩營
並飭各營列隊河邊助之該逆分三路來犯官軍奮力
迎擊鏖戰數時賊卻而復前者十餘次王德榜親督洋
鎗隊劈山礮向紅號衣悍賊轟擊步逼步進羣子如雨
賊勢不支各營乘勝壓擊追至濠邊斃賊無數計是役
傷斃賊約共千餘人官軍亦受傷五十餘人擬保總兵

花翎遊擊鍾元興匹馬陷陣被賊洋鎗擊傷回營殞命
此劉清亮王德榜兩軍進扼漳州東北擊退撲營悍賊
獲勝實在情形也竊李逆世賢經官軍屢次痛剿固匿
不出惟於漳城外東關迤北一帶添築十餘壘與樓內
緊踞賊合力以扼官軍汪逆海洋屢敗之餘局勢亦愈
熾蹙干海一著又不得逞必不併聚一隅延頸待戮是
其伺隙狂鼠固在意中察看近日賊蹤漸向漳州東北
及正北一帶官軍之分扼和溪水湖及華封司之苦竹
者兵力尙單漳城東北一帶山徑紛歧僅王德榜劉清

亮兩軍七千餘人難敷分布臣宗棠以西路龍巖永定一帶屢獲勝仗汪逆勢難由此北竄駐延平之六營尙可調赴泉漳之交以厚兵力現飭新授福甯鎮總兵劉明燧等五營取道省城由興泉以赴安溪邊界相犄進臣宗棠拜摺後卽帶親兵續進擬晉省數日後卽親赴前途就近督辦其陸路提督郭松林記名提督楊鼎勛所部本擬進攻漳浦因賊勢趨重漳州郭松林一軍抵廈門後分紮海澄鐘門與高連陞各營甫相聯絡未便遽行他調現楊鼎勛一軍亦至廈門而漳浦之賊又

多縮轉漳郡蘇軍暫由漳南攻剿可計漳州漳浦踰則
往來於局勢深有裨益所有此次西路各戰將士因軍
米購運艱阻忍饑血戰逃赴戎機勞烈尤著其最爲出
力之總兵銜副將張福齊可否仰懇

天恩賞給勇號候選道張恒祥可否

賞加鹽運使銜留於福建補用留浙補用知府康熊飛
可否

賞加道銜以示鼓勵餘由臣等存記巢保其力戰陣亡
之擬保總兵花翎遊擊鍾元興花翎都司陳育新擬保

都司周有元藍翎守備周振源守備陳仕秀擬保守備
銜千總藍翎把總劉吉祥千總彭連陞王維藩擬保千
總藍翎外委張桂松擬保把總鍾寶齡毛義方擬保藍
翎把總徐得勝擬保外委馬日友張元茂可否請

旨飭部俱照擬保官階從優議卹以慰忠魂理合恭摺
馳

奏伏乞

皇上聖鑒訓示施行再此摺係由臣宗棠主稿合併聲
明謹

奏 同治四年四月十一日

同治四年四月二十六日內閣奉

上諭左宗棠等奏官軍分路進剿迭獲大勝一摺福建
汪逆海洋經官軍由龍巖剿敗後仍率黨分路龍巖南
靖永定交界之金豐苦竹梅林山城場校上下奎洋
一帶並分路募畚添築數壘三月二十至二十七等日
道員康國器等軍各率所部分路進剿擊獲悍賊四十
餘名官軍更番迭戰賊悉棄壘奔竄立將募畚賊壘三
座踏毀其上下奎洋各處之賊經劉典督率各軍分道

進攻迭破賊卡該逆踞嶺巔爲壘官軍冒險搶上山巔
道員張恒祥等率隊猱騰而上殺斃賊匪無數立將下
奎洋賊壘五座賊館五十餘處賊卡十餘處一律踏毀
並將中奎洋賊館乘勝掃蕩其上奎洋及梅林場校等
處之賊均經官軍奮力進剿迭破賊卡殲斃殆盡免後
其計斃賊五千餘名生擒長髮老賊七十餘名陣斬僞
天將翟玉山等數十名拔出難民數千名其漳州援賊
亦經總兵劉清亮等於三月十三等日督飭各軍分投
迎剿斃賊千餘人賊匪紛紛敗潰剿辦甚屬得力著卽

督飭各路官軍乘勝奮剿迅速掃蕩以靖邊圉其尤爲出力之副將張福齊著賞給揚勇巴圖魯名號候選道張恒祥著以道員留於福建補用並賞加鹽運使銜知府康熊飛著賞加道銜以示鼓勵其力戰陣亡之擬保總兵遊擊鍾元興都司陳育訥擬保都司周有元守備周振源陳仕秀擬保守備銜千總藍翎外委張桂松擬保把總鍾寶齡毛義方擬保藍翎把總徐得勝擬保外委馬日友張元茂均著各照擬保官階從優議卹餘著照所議辦理該部知道欽此

軍機大臣 字寄廣州將軍兼署兩廣總督瑞麟閩浙
總督一等恪靖伯左宗棠福建巡撫徐宗幹署廣東巡
撫郭嵩焘傳諭護理江西巡撫布政使孫長紱同治四
年四月二十六日奉

上諭左宗棠奏官軍分路進剿疊獲大勝現籌辦理情
形一摺本日已明降諭旨將出力之副將張福齊等照
請獎勵陣亡之遊擊鍾元興等照擬保官階優卹矣逆
首汪海洋盤踞龍巖南靖永定交界之金豐等處經官
軍分路進攻疊破茅畬磔下並下奎洋賊壘苦竹賊壘

亦經攻破餘賊逃踞山頂其漳州東北兩面撲營之賊復爲官軍擊退賊勢漸形窮蹙左宗棠以漳城東北一帶兵力尙單添調總兵劉明燈等五營由興泉赴安溪邊界進剿該督亦帶親兵由省城取道趨赴前途督辦著卽親督各營將士將漳郡踞逆實力掃蕩毋稍鬆勁郭松林楊鼎勛等軍分紮海澄鎮門及廈門等處與高連陞等各營聯絡聲勢當可斷賊入海之路惟賊情詭譎異常左宗棠須嚴檄郭松林等加意巡防不可稍涉大意漳浦之賊旣多轉入漳郡正可令郭松林等分兵

乘虛襲取漳浦以清漳郡南路此股逆匪俱係積年悍賊乘隙紛竄是其慣技左宗棠當分兵布置四面圍剿將漳郡之賊就地殲盡毋令逸出鄰境致垂盡餘匪又成燎原之勢是爲至要漳州西路官軍雖屢獲勝仗而地廣兵單深虞旁竄左宗棠前擬檄調江西之軍就近援剿未知曾否到防現在金豐及上中奎洋賊巢尙未盡掃苦竹山頂尙爲賊踞卽著左宗棠檄令李福泰方耀統帶所部會合閩省西路各軍先將雲霄平和詔安等處攻克以斷漳賊西竄之路俾李汪等逆可就漳郡

聚殲方爲妥善。雲慶一軍尙有萬人，現駐紮武平。兵力較厚，卽着孫長絃仍遵前旨檄飭，迅赴粵境。瑞麟、郭嵩燾迎提調撥，迅克雲、霄等處，以固邊防。汪逆屢有竄江之意，孫長絃務當嚴密布置，毋令竄入本境。將此由六百里諭知瑞麟、左中宗棠、徐宗幹、郭嵩燾，並傳諭孫長絃知之。欽此。

附陳老湘營會攻賊壘情形片

再正拜摺間，接據老湘營記名總兵王開琳稟稱：三月二十七日，督飭永安湖雷各營會攻苦竹賊壘，先被

賊卡數層進至距苦竹二里許地方見前列賊壘十餘座後面房村十餘里皆一片賊氛壘賊已出伏濠外王開琳卽飭丁長勝莫坤和羅瑞山蔣日新熊常富王開氣王如春各營分路齊進薄至濠邊伏賊紛潰入壘王開琳正督隊進擊坐馬忽被賊擊傷並傷親兵數名各勇齊憤薄壘下拋擲火彈燒去花籬數層歐陽勝萬福堂唐迎開等斬卡直入熊常富王開氣王如春張香山等繼之立破賊壘三座斃賊二三百名乘勢急攻未下各壘該逆悉力拒守官軍爭先搶入賊壘垂破復完者

數次適後面援賊分兩路抄來王開琳急飭各營收隊
賊已擁至鎗子如雨叅將文任重力戰死之丁長勝莫
坤和熊常富鄧榮達等各挑奮勇數十名以刀矛相接
鏖戰逾時哨長朱義和等率洋鎗隊斜擊龔隆責率所
部馳至賊始潰退計是役其斃賊千餘名生擒老賊二
十餘名官軍陣亡受傷者亦二百餘名可謂血戰矣除
飭王開琳仍會合各軍相機攻剿外所有此次力戰陣
亡之擬保總兵銜副將花翎叅將文任重合無仰懇

天恩俯准飭部照總兵例議卹以慰忠魂理合附片具

陳伏乞

聖鑒謹

奏 同治四年四月十一日

軍機大臣奉

旨文任重著交部照總兵例議卹欽此

請將庸劣之鎮將知縣分別摘頂革職片

再漳州尙未克復漳浦又於正月失陷海澄地勢居中
防務尤關緊要護漳州鎮總兵郭什春遊擊劉紹基駐
防海澄於城守毫無佈置劉紹基尤因病廢事難期振

作該縣知縣趙本敖玩視防務虛報勇丁經道員會審
德查明具稟前來除檄司將趙本敖撤任提省訊辦外
相應請

旨將護理漳州鎮總兵郭什春摘去頂戴遊擊劉紹基
海澄縣知縣趙本敖均卽行革職以示懲儆其所遺海
澄縣缺閩省現有候補人員應請由外遴員請補合併
聲明謹附片具

奏伏乞

聖鑒謹

奏 同治四年四月十一日

軍機大臣奉

旨郭什春著摘去頂戴劉紹基趙本敖均著卽行革職該部知道欽此

水師搜獲濟逆西洋人船軍火請獎各員片

再查洋人販運軍火接濟髮逆曾經屢次緝獲奏明在案茲據赴廈察辦軍務道員曾憲德稟稱三月二十二日擊獲美國烟那兒香門舢板船一隻交廈門稅司休士查明訊辦是夜署守備陳世榮陳世英仍帶輪船出

巡二十二日駛至鎮海澳通事儘先把總吳世忠瞭見
廣船一幫先駛上一隻遇我輪船卽圖攏岸奔避陳世
榮吳世忠帶洋人二名跳躍過船陳世英率兵繼之搜
看船中並無別物祇有洋鎗六百二十桿洋硝五包火
藥三桶馮鐵二箱洋礮五尊剗刀二十把遂將舵工陳
福結等十名西洋人一名並虎門廳所給往廣州雜貨
船照二紙番文二紙一併解交曾憲德提訊據供西洋
人一名西國我僑士卽廣東澳門西洋人明哈雇工現
在澳門居住洋鎗等件是從澳門落船販來售賣艇船

係伊哈自置的等語比傳在廈西洋人質認皆言違禁貨物應交西洋領事官照約究辦當將西岡我微士暨舵工水手人等俱發廈防廳分別看管並將船隻照例入官等情前來臣等伏查洋人販運軍火接濟髮逆曾經迭次申明禁約茲澳門洋人尚敢朦領虎門雜貨船照違約與販來閩陳世榮等竊破登將人船鎗礮併獲解審辦理尙屬認真除飭將未獲廣艇趕緊扼擊一面咨兩廣督臣廣東撫臣核照外可否仰懇

天恩將保陞守備署水師前營守備陳世榮守備陳守

英俱以都司補用把總吳世忠以守備儘先補用以示
鼓勵理合附片具

奏伏乞

聖鑒謹

奏 同治四年四月十一日

軍機大臣奉

旨陳世榮等著照所請獎勵該衙門知道欽此

請將庸劣之鹽道革職清完交代貽項片

再聞省鹽務向分官幫商幫承辦東路寧福一幫係歸

商辦自前販葉盤均倒罷後政行票課由官經理初二
兩屆奏銷因甫改新章未能如額三屆及四屆半年尙
無短絀鹽法道潘駿章於上年忽請改歸商辦試行兩
月又議仍歸官辦舉動已屬輕率且查正溢各課通省
官幫每年合計徵銀不過三分商幫每年合計徵銀不
過六分於課額所短甚鉅當此餉需支絀之際鹽務爲
籌餉大宗亟應釐定新章設法辦理該道履任四年於
鹽務一切全未留心整頓識閩才庸不堪造就除先行
撤任另委奏調赴閩記名道吳大廷接署外相應請

旨將福建鹽法道潘駿章卽行革職並責令將交代速
爲清結并賠項完繳以儆玩愒其所遺員缺並請另
賜簡放理合附片具

奏伏乞

聖鑒謹

奏

同治四年四月十一日

軍機大臣奉

旨另有旨欽此

同治四年四月二十六日內閣奉

上諭左宗棠奏請將短徵鹽課之道員革職等語福建鹽法道潘駿章舉動輕率於鹽務全不留心整頓以致課額所短甚鉅實屬庸闇不職潘駿章著卽行革職責令將交代速爲完結賠項一律完繳倘敢玩延卽著嚴叅懲辦所遺福建鹽法道員缺著吳大廷補授欽此

進逼漳州大捷現籌辦理情形摺

奏爲官軍分路進逼漳州克獲大捷現籌辦理情形恭摺

奏仰祈

聖鑒事竊漳州踞逆經官軍迭次痛剿勢漸斂蹙記名提督楊鼎勳馳抵海澄卽與福建陸路提督郭松林會商以漳南地勢古縣最爲扼要必先分軍進紮始可斷漳州漳浦踞賊往來四月初十日郭松林率所部八營進紮踞漳城十里之古縣東山前一帶楊鼎勳分所部

三營守海澄率五營填紮鎮門因郭松林營壘尙未築就復飭各營出五成隊助之城賊突出悍黨數萬一由浦西社下古縣直撲郭松林營壘一繞林前社恒倉社圍襲楊鼎歎後路郭松林當飭松正中護衛兩營從浦西社迎剿松副松左兩營繼之松前松右兩營從下古縣迎剿松後松新中兩營繼之比見賊勢正盛令各營鎮靜以待自午至酉逆賊猛撲十餘次均經官軍擊退其氣漸餒郭松林急磨軍齊進鎗砲環施賊不能支紛紛潰竄官軍乘勝追至河邊殺斃溺斃無算其犯恒倉

社一路者楊鼎勲飭總兵周河清舒義志王萬釗高占
彪副將張遵道朱興榮各營分路迎敵提督黃中元兩
營繼之該逆忽從山僻小路抄來楊鼎勲立飭各營洋
鎗排礮鏖戰三時斃賊甚多賊猶抵死不退楊鼎勲督
黃中元兩營抄出古縣之前截其歸路周河清高占彪
舒義志各率隊直搗中堅羣賊辟易始奪路竄走計是
役兩路共斃賊三千餘名其高連陞黃少春兩軍亦各
出隊過河策應殺賊數百名此郭松林楊鼎勲等軍逼
紫漳南克獲大捷之實在情形也其王德榜一軍扼紫

漳北潭口偵知南靖之賊分黨竄至汰內意圖繞犯安溪以襲官軍後路王德榜飭遊擊戴清輝駐紮貫口都司吳春魁守備陳燬立分紮黃棗以防賊紛竄初六日汰內之賊二千餘從貫口河邊大路而來戴清輝率所部擊退適總兵李運勝等派隊馳至截擊又斃賊六十餘名生擒十七名奪賊糧二百餘石餘逆遂退回南靖初十夜吳倉烏頭門之賊復傾巢撲犯河西官軍營壘李運勝等憑壘固守鎗礮連環轟擊斃賊多名賊仍拚死猛撲王德榜急派隊過河接應抄出賊後擊之李運

勝亦乘勢殺出賊敗走官軍躡蹤追殺共斃賊三百餘名生擒三十一名十一日該逆復出大股來撲王德榜卽飭總兵戴奉聘副將何秀清軍功李金信三營過河迎擊叅將黎榮鈞遊擊戴清輝李運龍都司柳玉清四營繼之更番接戰步逼步進賊勢不支退至港邊忽有一黃衣黑鬚賊目帶蜈蚣旗悍賊二千餘突前抗拒黎榮鈞急用洋鎗擊之見該逆翻身墜馬哨弁杜登雲疾馳而前僅獲其戰馬李運勝復乘勢從壘中殺出兩路夾擊共斃賊千餘名生擒十一名官軍帶傷者亦八九

十名據生擒賊供陣前被官軍擊傷賊目卽僞王宗李元茂也十二日該逆復糾天寶寨陳逆率黃白號衣悍賊數千來犯王德榜飭李運勝等待其撲近擊之逆賊却而復前者數次均被官軍擊退其氣漸餒各營齊隊出擊賊卽敗走官軍乘勢追殺斃賊二百餘名十五日王德榜會商署衢州鎮總兵劉清亮合攻烏頭門之賊劉清亮各營從浦南沿河直上王德榜令李運勝李春魁李運龍鄒玉琳等逼近賊壘誘之該逆竄伏不出持至午刻劉清亮王德榜甫收隊回該逆忽從後掩至李

運勝李運龍等回軍轉戰將賊擊退收至壘邊該逆大股又傾巢而出僞來逆奏逆率各路援賊亦紛紛擁至王德榜當飭各營嚴陣以待見賊撲近戴奉聘李玉清何秀清李金信等用鎗礮排擊斃賊多名逆賊前却後進愈聚愈多戴奉聘等勢幾不支王德榜飭哨官張金榜陳厚順黃福勝猛衝十餘次賊仍不退黎榮鈞戴清輝從左右衝擊賊稍却戴奉聘等將中路之賊擊敗逼至港邊轟攻逾時官軍甫欲收隊該逆又率眾來撲往復數次時已二更王德榜飭李運勝等固守河西營壘

親督各營奮威力戰適賊挑送火藥者至羣賊紛前搶
領突被失火烘然驚潰黎榮鈞李金信卽乘勢破其兩
卡一館戴奉聘等亦逼殺而前斃賊甚衆羣賊急退其
不及入壘者悉被官軍擒斬計是役共斃賊二千餘名
生擒三十餘名弁勇陣亡受傷者亦百餘名此王德榜
一軍扼紮漳北迭次擊退撲營悍賊大獲勝仗之實在
情形也竊李逆世賢經官軍迭次擊敗勢日窮蹙圖由
漳北小路繞犯安溪以抄官軍後路其計未成又圖勾
結同安土匪內訌滋事經郭松林抽帶所部兩營五成

隊馳赴同安會照道員曾憲德將西塘上宅澚井各鄉
匪巢洗蕩其灣泊海面匪船百餘隻亦經在籍候選知
府葉文瀾焚毀狡謀益無所施現任逆亦田奎洋敗竄
梅林各逆麇聚一隅其勢斷難久居必仍思乘間突竄
爲苟延殘喘之計漳州東南兩路局勢漸臻穩固東北
一路兵力稍單臣等已飭福甯鎮總兵劉明燈等五營
馳赴安溪華封一帶防剿當可與劉清亮王德榜兩軍
就近聯絡惟西路及西南一路遠防之師有王開琳新
老湘營七千餘人駐紮永定廣東方燿等軍駐紮饒平

大埔近剿之師則必須俟龍巖永定邊界肅清南靖攻
克始可移軍進逼漸合長圍臣宗棠於十五日馳抵省
垣拜摺後仍即出省親赴泉州一帶相機督剿以冀迅
掃餘氛仰紓

宸厪所有此次剿匪陣亡之藍翎千總張得勝應請
旨飭部從優議卹其力戰獲勝弁勇由臣等存記彙案
奏獎理合恭摺馳

奏伏乞

皇上聖鑒訓示施行再此摺係由臣宗棠主稿合併聲

明謹

奉 同治四年四月二十六日

軍機大臣奉

旨另有旨欽此

軍機大臣 字寄閩浙總督一等恪靖伯左宗棠福建
巡撫徐宗幹同治四年五月十三日奉

上諭左宗棠徐宗幹奏官軍進逼漳州大捷現籌辦理
情形一摺覽奏均悉昨據李鴻章奏援閩蘇軍會合浙
軍分路進逼於四月二十一日克復漳州府城此次左

宗棠等所奏尙是漳州未克以前攻剿情形諒已續有
奏報在途漳州之賊經官軍分路兜剿朝廷早慮其乘
間奔逃別圖生計李鴻章摺內有侍逆潛開西門而遁
之語是漳州雖經克復而渠魁仍未投首必將與汗逆
合謀計圖復逞現在東南兩路局勢既尙穩固東北一
路亦有劉明燈等聯絡扼守而西面之漳浦雲霄詔安
平和等城均爲賊踞該逆必思由此路竄走已無疑義
粵省饒平大埔一帶雖有方耀等軍防守尙恐兵力不
敷分布左宗棠等仍當分撥勁旅繞赴西路會同粵軍

迎頭攔擊杜其竄越之路永定一帶有王開琳所部七千餘人防守自尙周密惟婁雲慶一軍業因索餉譁謀旋經折回江西是上杭武平一路未免空虛著左宗棠酌量分兵聯絡王開琳一軍嚴密布置毋令賊蹤偷越總須將此股賊匪就地殲除不得以驅賊出境爲了事仍一面飛咨廣東江西督撫嚴飭派出防軍實力遏截毋稍鬆勁所有此次剿匪陣亡之千總張德勝著交部從優議卹其力戰獲勝將弁兵勇著准其彙案請獎將此由六百里各諭令知之欽此

奏報攻克漳州府城南靖縣城情形摺

奏爲官軍攻克漳州府城南靖縣城恭摺馳

奏仰祈

聖鑒事竊漳州踞逆經官軍屢次擊敗後四月二十日
王德榜劉清亮復督隊進攻北路烏頭門吳倉賊壘賊
踞如故高連陞黃少春赴浦南一帶察看見烏頭門與
東北樓內寨勢成犄角欲復漳城必先破樓內賊寨欲
得樓內必先破烏頭門賊壘遂會商劉清亮王德榜郭
松林楊鼎勳各率所部於二十丁日分路進攻黃少春

飭副將馬駿發李良平游擊謝復雲劉昌選四營扼北
尾橋牽制樓內賊勢自率總兵劉端冕副將周紹濂
將伍先申等由中路攻剿劉清亮率叅將陳武職向正
泰守備孫永忠遊擊李世祥副將李運榮繼之王德榜
飭道員王德權總兵戴奉聘遊擊戴清輝都司柳玉清
四營截南靖援賊自率提督李運勝副將何秀清叅將
黎榮鈞軍功李金信四營攻烏頭門之右高連陞率副
將丁賢發叅將曹光德遊擊張志公四營攻烏頭門之
左郭松林率洋鎗隊五百人楊鼎勳率所部七營亦同

黨拚死格鬪巷戰逾時又斃賊數千乃率其死黨由西門逃竄當於二十一日亥刻將漳州府城攻克劉清亮見高連陞黃少春兩軍進攻東門慮賊由南靖竄走當率所部李運榮李世祥陳武職等由北門趨赴西路截擊斃賊千餘名生擒偽朝將偽天義等賊目數十名王德榜又率各營於南靖大路河邊截之殺賊四五千名溺斃不計其數此攻克漳州府城大獲全捷之實在情形也其康國器一軍將陳東坑竄賊擊敗後劉典復於初十一等日飭各營將奎洋梅林場校等處賊壘掃

蕩斬悍賊近千拔出難民數千汪逆海洋遂折向大埔
一路逃竄劉典移軍進攻南靖適漳州已復王德榜率
軍追至距城五里地方見該逆正與劉典一軍接戰王
德榜卽麾隊猛進該逆爲敗賊牽動勢不能支紛紛奪
路狂竄劉典一軍遂從東北門衝殺而入王德榜一軍
從南門衝殺而入二十二日立將南靖縣城攻克餘賊
分數路而逃劉典所部道員李耀南副將張福齊同知
楊鼎勳各營追南靖敗賊王德榜率所部追漳州敗賊
沿途又斃賊無算此攻克南靖縣城之大槩情形也其

由左路進剿各軍奮威齊進呼聲震天環攻兩時將壘
外花椿木城拔取殆盡賊猶死拒高連陞所部都司銜
守備何世載首先攻破一壘各壘之賊羣相駭愕官軍
乘勢齊上立將賊壘十四座次第攻克殺賊萬餘名生
擒三四千名拔出難民數千奪偽印百餘顆旗幟鎗礮
騾馬無算餘逆悉向南靖逃竄王德榜追至距南靖十
里之天寶寨該處踞逆亦聞風潰竄時高連陞所部知
府魁炳光守備朱體盛程學明軍功錢桂仁等黃少春
所部龍朝翼馬駿發李良平謝復雲劉昌選等迭見烏

頭門一帶烟燄蔽天郭各率隊肉薄寨垣蠓附而上逆
衆敗潰官軍斬其斷後悍賊二百餘分隊伍據之乘勝
躡追至東關逼攻附城各賊壘時風雨大作適高連陞
乘勝轉戰而來當飭各營圍雨奮攻黃少春飭北溪北
尾橋一帶民團吶喊助勢鎗礮連施聲振山谷逆賊驚
怖異常官軍趁勢施放噴筒火箭十餘壘同時著火逆
賊叫號亂擲屍滿壕塹餘賊棄壘望城而竄高連陞黃
少春率各營躡蹤追殺奮門而入署水師提督曾玉明
率臺勇亦將石亮賊卡攻破由南門殺入侍遊猶率死

劉典一軍戰狀因未接其械贖無從詳敘聞斬獲最多
尙未收隊至此攻克府縣兩城破賊壘三十餘座賊
目伏誅者必多正當追賊緊急未暇究詰侍逆由南靖
鼠竄未卜能否成擒臣等惟督飭諸軍盡力追剿斷不
敢爲畫疆自守之計竊維該逆由江粵闖入閩省連陷
龍巖漳州各城而漳州尤屬腹地又菁華聚積之區一
經竊踞全局爲之振動其時洋人又從中煽搆逆焰更
張幸高連陞黃少春等先後馳抵漳州東北屢次痛剿
劉典等軍復由汀連節節掃蕩而下局勢漸臻穩固侍

逆於城破之先旬日致書汪逆猶思合力突竄龍巖漳
平以覓生路怪汪逆不急援之不知汪逆則已爲西路
官軍擊敗先向大埔一路竄動矣漳城逆勢已孤猶恃
南靖及烏頭門樓內寨與東關各賊壘勉相撐格迨二
十日官軍將各堅壘一氣掃蕩而下始獲克此堅城諸
將士勞烈備臻實有未可掩抑者臣宗棠前駐延平深
慮主客各軍統將頗多事權未能暨一此次諸將和衷
其濟遇事謀定而戰略無參差卽西路諸軍逆成特角
亦莫不如期應念而至故事機順利得免延曠之虞實

非臣等始願所及現在蘇軍由漳州進攻漳浦可由此以進雲霄詔安與粵東黃岡守軍連絡並可杜其入海之謀浙軍分由南靖漳州追賊以向平利可與粵東饒平守軍聯絡其緊連粵東大埔一帶則總兵王開琳延建邵道康國器及都司關鎮邦各軍扼永定之撫溪湖雷上杭一帶截之由汀州至潮州一水可通溪溜湍急粵軍若能憑河扼截則侍康兩逆圖竄亦難臣宗棠於二十九日馳抵興化府城拜摺後卽由泉赴漳察看賊踪趨向督率各軍相機追剿務期迅掃餘氛仰紓

宸廕除漳蘇援軍郭松林楊鼎勳克城獲勝情形尙未
接准來咨應由江蘇撫臣奏報劉典一軍攻克南靖縣
城詳細情形容再查明續陳外署浙江提督

黃昇黃馬褂穆特本巴圖魯高連陞記名提督達春巴
圖魯黃少春此次攻克漳州勳績最著頭品頂戴署福
建陸路提督雲騎尉世職甯勇巴圖魯郭松林記名提
督銜勇巴圖魯楊鼎勳由海道來援迅赴戎機異常奮
勉以上四員應如何從優獎叙伏候

聖裁記名提都署浙江衢州鎮總兵劉清亮應請

賞給該員三代從一品封典布政使司福建按察使銳
勇巴圖魯王德榜應

賞換清字勇號擬保道銜浙江卽補知府魏光祚請以
道員留於閩浙遇缺題奏補用副將丁賢發請以總兵
留於閩浙補用閩浙補用叅將曹光德請以副將留於
閩浙補用並

賞加總兵銜副將銜浙江補用遊擊張志公請以副將
留於浙江遇缺卽補副將銜叅將黃北海請

賞加勇號都司銜守備何世載請以叅將補用并

賞戴花翎守備朱體盛程學明均請以遊擊留於閩浙
補用五品軍功錢桂仁請以都司留於閩浙卽補并加
遊擊銜記名總兵劉端冕請

賞給該員三代二品封典總兵銜浙江補用副將周紹
濂請以總兵留於閩浙補用花翎遊擊銜留浙補用都
司李春華請以叅將留浙補用總兵銜補用副將李運
榮請以總兵留於閩浙補用副將銜叅將向正泰請以
副將留閩補用花翎浙江補用遊擊李世祥請

賞加副將銜花翎都司銜守備孫永忠請以遊擊留閩

補用其餘出力員弁兵勇可否由臣等查明擇尤保獎
出自

天恩其力戰陣亡之浙江補用叅將鄭金麟補用都司
擬保遊擊張大勝請

飭部從優議卹五品軍功李金信計功應保藍翎守備
并請

飭部照守備例議卹以慰忠魂臣等謹會同福州將軍
臣英桂恭摺由驛六百里馳

奏伏乞

皇上聖鑒訓示施行再此摺係由臣宗棠主稿合併聲

明謹

奏同治四年五月初二日

軍機大臣奉

旨另有旨欽此

附陳攻拔苦竹賊壘情形片

再正拜摺間接據延建邵道康國器稟稱四月初十日
知府康熊飛叅將詹惠遊擊羅洪標擊賊於巖前生擒
五十餘名斃賊六百餘名十一日李洋之賊竄至大溪

康熊飛詹惠羅洪標熊應烈於十二日黎明乘曉霧未收捲旗衝枚疾進該逆誤爲夥黨就之官軍突前喊殺斃悍賊多名生擒百餘名賊駭卻後股援賊擁至康熊飛等督軍奮擊斃賊三百餘名賊仍敗走其副將吳光亮叅將林本由東安進剿苦竹見山前新築賊卡一座輔以小營卽飭叅將林福喜遊擊林栢率隊猱騰而上破之擒斬百餘名時遊擊陳觀光都司周有才湯彪亦攻破賊卡一處與吳光亮等合軍進薄苦竹賊壘賊伏不出吳光亮等卽分軍駐苦通礮下逼之康國器復飭

都司關鎮邦馳往助剿十三日林福喜林振各率健勇
百人攜帶火具乘夜潛撲賊營吳光亮林本督大隊繼
之噴筒火箭一時迸發烟燄蔽空立破山前賊營八座
陳觀光等馳至與各軍縱橫痛擊將苦竹附近賊壘賊
館悉行踏毀汪逆海洋親率悍黨數千由大溪馳來援
應適與康熊飛詹惠羅洪標熊應烈等遇於東坑官軍
奮勇直前該逆亦拚死格鬪鏖戰數時逆賊屢卻愈前
官軍愈接愈厲斃賊數百名賊猶不退康熊飛飭哨弁
陳羅陳魁率隊從山後繞出奪踞嶺巔賊眾譁潰官軍

一擁齊上殺斃及墮崖死者無算餘逆退踞湖坑大溪
一帶十四日康國器飭各軍分路追剿將湖坑大溪賊
壘掃除直抵大埔所轄三角塘太平寨始收隊還計是
役共斃賊二千餘名生擒百餘名奪騾馬九十餘匹旗
幟軍械數千件救出難民三千餘查該逆竄踞苦竹奎
洋一帶與南靖漳州互相犄角茲幸先將苦竹等處賊
壘掃蕩漳州南靖得以次第攻克所有此次最爲出力
之帶勇文武從前克復龍巖州城未及隨摺請獎茲復
攻破賊巢亟應先予獎勵擬保道銜浙江補用知府康

熊飛請

賞加勇號總兵銜署順昌協副將福建補用副將吳光
亮請以總兵留閩補用副將銜署邵武營叅將福建補
用叅將林本請以副將留閩遇缺卽補署汀州中營遊
擊江西補用遊擊羅洪標請以叅將留閩補用福建儘
先遊擊熊應烈林振請以叅將留閩卽補福建補用叅
將詹惠福建儘先補用叅將林福喜均請以副將留閩
遇缺卽補以示鼓勵理合附片具

奏伏乞

聖鑒施行謹

奏 同治四年五月初一日

軍機大臣奉

旨另有旨欽此

閩省腹地未清未能先顧鄰省片

再頃奉

寄諭汪李等逆均係粵賊中渠魁雖經官軍圍逼而匪黨尙眾困踣鏖走自在意中務須將此股逆匪就地殲除斷不可縱令闖入粵境或遁入海道致剿辦復形棘

手賊勢既趨重西面左宗棠徐宗幹卽當調派勁旅嚴
密分布截其西竄之路以便方耀等軍專顧粵疆力保
完善均著妥速籌辦欽此占等竊維李世賢汪海洋上
年由江西竄粵由粵東竄閩其時江西追兵不入粵粵
東追兵不入閩故令逆賊得以一意狂奔深入閩省腹
地而江西粵東專顧本轄藩籬重兵列屯邊界臣宗棠
於兩省援閩之兵亦並未嘗調其深入也計江西兵之
援閩者僅王文瑞新湘營四千本係臣宗棠舊部而食
江西之餉此外食江西餉者惟王德榜所部長左營合

計不過五千五百人而新湘營現在仍隨王開琳老湘
全軍分扼永定上杭冀其能固守江西藩籬已爲幸事
至廣東方耀一軍會攻武平永定旋即調回大埔其潮
州之兵曾助守詔安早已調回粵境臣宗棠雖會奉

諭旨調遣却未敢一檄催之冀其能固守廣東藩籬已
爲幸事至論閩之用兵則由內而外由東北而西南實
局勢自然之理本省堂奧有賊不能先爲鄰省代固藩
籬本省腹地漸清自必與鄰省共謀夾擊區區愚誠謹

據實覆

奏伏乞

皇上聖鑒訓示施行謹

奏 同治四年五月初一日

軍機大臣奉

旨另有旨欽此

軍機大臣 字寄署兩廣總督廣州將軍瑞麟閩浙總

督一等恪靖伯左宗棠福建巡撫徐宗幹署廣東巡撫

郭嵩壽傅諭護理江西巡撫布政使孫長祜同治四年

五月十八日奉

上諭前據李鴻章奏蘇軍會克漳州府城本日據左宗棠等奏官軍收復漳州南靖府縣兩城及攻克苦竹等賊壘並陳閩省腹地未清未能先顧鄰省各摺片已明降諭旨將左宗棠李鴻章等先後所保之高連陞郭松林等優加賞賚其餘各員照請給獎矣逆賊竄踞漳州閩省全局震動經左宗棠調派主客各軍和衷共濟疊拔堅城實屬調度有方深堪嘉尚侍逆由南靖竄竄已否成擒仍著左宗棠查明具奏漳州南靖克復該逆分路逃逸必將圖竄粵東現在蘇軍由漳州進攻漳浦以

達雲霄詔安與粵東黃岡守軍聯絡浙軍分田南靖漳
州追賊以向和平與粵東饒平守軍聯絡自不難乘此
聲威掃蕩而前左宗棠現赴漳州著卽督飭諸軍乘勝
兜剿如侍逆業經鋌走務當竭力追躡一鼓殄除其王
開琳康國器各軍扼永定之撫溪湖雷上杭一帶並著
飭令將大埔等處之賊嚴密截剿斷汪侍兩逆合併之
路此時閩省腹地漸清左宗棠素能不分畛域必能與
粵東官軍共謀夾擊不至貽患鄰封也廣東方耀李福
泰等軍均已調回本境此時賊勢西竄潮州大埔之防

極爲緊要瑞麟郭嵩勳務飭防邊諸軍嚴備以待賊蹤
竄及卽與粵省官軍聯絡截剿毋得任令闖入滋蔓致
干重咎賊不得逞志於粵恐尋熟路復趨江西王文瑞
等軍分扼永定上杭諒能固守江西藩籬仍著孫長絃
將毘連閩粵邊界層層布置毋稍疏虞左宗棠仍懷遵
十五日寄諭揀派勁兵繞出江西邊境合力兜圍以免
旁竄其郭松林楊鼎勳兩軍前據李鴻章奏請飭令駐
紮江西湖南邊境以備迎剿而固腹地門戶現在該軍
進趨漳浦雲霄一路能否調赴江楚邊境或另派一軍

前往顧全腹地之處著左宗棠就近斟酌妥爲調派前
據御史汪朝聚奏沿海水師營務廢弛請飭提鎮各官
勤加操演等語著瑞麟左宗棠等督飭該省提鎮力除
積弊毋得視爲具文如有衰弱庸劣之鎮將各員卽嚴
參罷斥以重海防原片抄給閱看將此由六百里諭知
瑞麟左宗棠徐宗幹郭嵩燾並傳諭孫長紱知之欽此
同治四年五月十八日內閣奉

上諭前據李鴻章奏援閩官軍會克漳州府城本日左
宗棠等奏官軍攻克漳州南靖兩城一摺所奏情形大

畧相同福建漳州踞逆經官軍擊退後仍分路築壘抗
拒四月二十一日高連陞等軍整隊進攻烏頭門賊壘
左右齊進呼聲震天環攻兩時先破一壘賊眾羣相駭
愕官軍乘勝將賊壘十四座次第攻拔殺賊萬餘名生
擒三四千名高連陞所部魏光邴等軍見烏頭門一帶
煙燄蔽天卽各率隊肉薄登寨逆眾敗潰官軍乘勝追
至東關鎗礮環攻聲震山谷並施放噴筒火箭賊壘十
餘座同時被焚該逆棄壘望城逃竄高連陞等率各營
躡蹤追剿奪門殺入曾玉明勇隊亦將石亭賊卡攻破

殺入南門侍逆李世賢糾黨拚死格鬪各軍巷戰逾時斃賊數千該逆遂向西門逃竄當將漳州府城克攻王德榜督軍追剿至南靖縣城五里地方該逆正與劉典一軍接仗王德榜麾隊猛進逆勢不支奪路紛竄劉典從東北門王德榜從南門分路殺入遂於二十二日將南靖縣城克復餘賊分數路潰逃各軍乘勢躡剿斃賊無算勦辦甚爲奮勉著左宗棠李鴻章等督飭諸軍盡力搜剿殲擒巨逆以靖地方左宗棠摺內請獎尤爲出力之署浙江提督高連陞署福建陸路提督郭松林著

各賞給白玉四喜搬指一箇白玉翎管一枝大荷包一對小荷包一對火鏢一把記名提督黃少春楊鼎勳均著遇有提督缺出儘先題奏並交部從優議敘劉清亮著賞給該員三代從一品封典福建按察使王德榜著賞換達冲阿巴圖魯名號知府魏光邴著以道員留於福建浙江遇缺題奏副將丁賢發著以總兵留於福建浙江補用參將曹光德著以副將留於福建浙江補用並賞加總兵銜遊擊張志公著以副將留於浙江遇缺卽補叅將黃北海著賞給剛勇巴圖魯名號守備何世

載著以叅將補用並賞戴花翎守備朱體盛程學明均著以遊擊留於福建浙江補用軍功錢桂仁著以都司留於福建浙江卽補並賞加遊擊銜總兵劉端冕著賞給該員三代二品封典副將周紹濂著以總兵留於福建浙江補用都司李春華著以叅將留於浙江補用副將李運榮著以總兵留於福建浙江補用叅將向正著以副將留於福建補用遊擊李世祥著賞加副將銜守備孫永忠著以遊擊留於福建補用左宗棠另片奏康國器所部前克龍巖州城此次攻拔苦竹等處賊壘

尤爲出力各員請獎等語知府康熊飛著賞給強勇巴圖魯名號副將吳光亮著以總兵留於福建補用叅將林本著以副將留於福建遇缺卽補遊擊羅洪標著以叅將留於福建補用熊應烈林板均著以叅將留於福建卽補李鴻章開單請獎尤爲出力之提督黃中元著遇有提督缺出儘先題奏並交部從優議叙總兵高占彪曹仁美均著以提督記名簡放王萬釗等五員均著賞加提督銜副將張遵道著免補副將以總兵記名簡放

洪寶林著賞給勝勇巴圖魯名號王興明著賞給壯勇
巴圖魯名號王德駿著賞給利勇巴圖魯名號朱興榮
著賞給烈勇巴圖魯名號遊擊馬宗駿著免補叅將以
副將仍留四川儘先推補並賞給堅勇巴圖魯名號已
革道員段詰著開復原官仍留廣東儘先補用並免繳
捐復銀兩知府葉文瀾著賞加鹽運使銜補用同知直
隸州知州楊嘉善著賞給豪勇巴圖魯名號選用同知
直隸州同知包國挺著賞換花翎並賞給三品封典道
員丁日昌著賞加三品頂戴並賞給該員三代封典至

力戰陣亡之叅將鄭金麟都司擬保遊擊張大勝花翎
守備周有泉均著交部照陣亡例從優議卹五品軍功
李金信著交部照守備例議卹以慰忠魂其餘出力員
弁兵勇著左宗棠李鴻章等查明彙案請獎該部知道
單併發欽此